

- 529 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-05-3166/09

Datum, 08.08.2009.godine

Na osnovu člana 15. stav 1. alineja sedma Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06) i člana 54. Statuta općine Zavidovići (« Službeni glasnik općine Zavidovići, broj:05/08 i 5a/08) Općinsko vijeće Zavidovići na 13. sjednici održanoj dana 08.08.2009., donijelo je

O D L U K U

o izmjeni i dopuni Odluke o osnivanju općinskih službi za upravu Općine Zavidovići

Član 1.

U Odluci o osnivanju općinskih službi za upravu Općine Zavidovići („Službeni glasnik općine Zavidovići“, broj 5/05 – prečišćeni tekst), u članu 2. stav 1. iza tačke 1. dodaje se nova tačka 1a. koja glasi:

„1a. Služba za upravu poljoprivrede, vodoprivrede i komunalnih poslova“.

Član 2.

U članu 3. riječi: „vrši nadzor nad radom javnih preduzeća čiji je osnivač Općina Zavidovići“, „unapređuje i razvoj poljoprivredne djelatnosti“, „lov“, „inicira, učestvuje u izradi i realizaciji planova, programa i projekata u oblasti komunalne infrastrukture“, „vrši poslove obračuna naknade i praćenje naplate sredstava po osnovu korištenja građevinskog zemljišta, korištenje javnih površina;“, brišu se.

Član 3.

Iza člana 3. dodaje se nova tačka 1a. i novi član 3a. koji glase:

«1a. SLUŽBA ZA UPRAVU POLJOPRIVREDE, VODOPRIVREDE I KOMUNALNIH
POSLOVA

Član 3a.

Služba za upravu poljoprivrede, vodoprivrede i komunalne poslove izvršava i osigurava izvršavanje zakona i drugih propisa u oblasti poljoprivrede, vodoprivrede, komunalnih poslova, inspeksijskih poslova u oblastima komunalnih djelatnosti, vodoprivrede i sanitarne inspekcije; učestvuje u izradi i realizaciji planova, programa i projekata u oblasti komunalne infrastrukture; vrši poslove obračuna naknade i praćenje naplate sredstava po osnovu korištenja građevinskog zemljišta; korištenje javnih površina; sprovodi politiku koju utvrde općinsko vijeće i općinski

- 530 -

načelnik; stara se o realizaciji planiranih sredstava budžeta koja su dodijeljena Službi; inicira, učestvuje u izradi, radi na realizaciji usvojenih planova, programa u oblastima za koje je osnovana; radi na izradi tenderske dokumentacije za oblasti za koje je osnovana; vrši analizu i na osnovu nađenog stanja predlaže donošenje propisa iz općinske nadležnosti; učestvuje u raspravi po nacrtima federalnih i kantonalnih zakona iz oblasti koje su joj date u nadležnost i priprema stavove, mišljenja i prijedloge po nacrtima tih zakona; rješava u upravnim stvarima u oblastima za koje je osnovana, radi propisane evidencije u skladu sa zakonom, inicira unapređenje poljoprivrede, lova, zaštite voda, veterinarstva i u tom smislu saraduje sa nadležnim organima višeg nivoa vlasti; vrši nadzor nad radom javnih preduzeća iz oblasti za koju je osnovana služba; vrši poslove inspekcijskog nadzora u oblastima za koja je osnovana i u tom smislu preduzima mjere na osnovu zakona; obavlja i druge poslove koje joj naloži općinsko vijeće i općinski načelnik.

Član 4.

Član 10. stav 3. mijenja se i glasi:

„Općinskog načelnika za vrijeme privremene odsutnosti ili spriječenosti, zamjenjuje uposlenik općinskog organa uprave kojeg ovlasti Općinski načelnik“.

Član 5.

U članu 11. stav 1. alineja druga mijenja se i glasi:

„- utvrđivanje organizacije službi za upravu i drugih službi Općine“.

U članu 11. stav 1. iza druge alineje dodaje se nova alineja koja glasi:

„- donošenje Pravilnika o unutrašnjoj organizaciji općinskih službi“,

U članu 11. ostale alineje se pomjeraju za jedno mjesto.

Član 6.

Služba za upravu poljoprivrede, vodoprivrede i komunalne poslove preuće od Službe za upravu ekonomskih poslova i poduzetništvo u roku od 30 dana dio poslova, sredstva, opremu, dokumentaciju i arhivu u skladu sa nadležnošću iz ove odluke, kao i određeni broj državnih službenika i namještenika čiji će broj biti utvrđen Pravilnikom o unutrašnjoj organizaciji u skladu sa nadležnošću službe.

Član 7.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.